

S. VIII. 33.

VIRO

Amplissimo, Spectatissimo & Prudentissimo

DN. LAURENTIO

Zimmen/

Inclutæ Reipubl. Stetinensis

Camerario meritissimo;

Qui

Natus anno 1573; denatus 1634. 8. Octob.
ætatis suæ sexagesimò primò, hodie, nim. 14. Octobris,
solitis cæremonijs hic in templo Jacobæo communi
omnium matri Terræ restituetur;

Exequias

*Ut singuli & universi Studiosi juvenes in Illustri hoc
Padagogio, horâ 3. pom. cant,*


Hortator sum Ego

M. MARTINUS LEUSCHNER Ibid. Rector.

STETINI, Typis GEORGII GOETSCHII.

Apocalyp. 21. cap. v. 13.

Et dedit mare mortuos, qui
in eo erant: & mors & infernus
dederunt eos, qui in ipsis erant,
mortuos; & iudicatum est de
singulis secundum opera ipso-
rum.


INter alia mala plurima, quibus
funestum hoc & turbulentum seculum,
justissima Dei ira, obnoxium est, non
ultimo loco ponendum putamus & hoc,
quod tot viri praestantes & de Rep. Chri-
stiana egregie meriti, hoc imprimis tempore, quo usus
eorum esse posset maximus, improviso mortis spiculo
confossi, relicta officij sui statione, ex hac vita, non si-
ne ingenti multorum cordolio, suspiriosisq; saluti publi-
cae consultum cupientium gemitibus, discedunt. Non
enim exiguum facit iacturam Resp. aut leve accipit vul-
nus, quando, coortis calamitatum publicarum procellis,
hac e vita illi abripiuntur, quorum eximia prudentia, fi-
de & industria res ancipitis consilij & periculorum plenae
explicari, urgentiq; malorum tempestati remedium ju-
veniri & ostendi posset. Quod cum illi, qui, ceu pruden-
tes naucleri, ad clavum Reip. Constituti sunt, ac, ne inva-
lescens tempestas naviculam commissam subvertat, vigi-
lantia & industria sua praecavent, probe intelligant, nun-
quam vehementius anguntur ac dolent, quam si viros
solida prudentia, consilio varioq; rerum usu passim ce-
lebres, qui diurnis nocturnisq; curis ac sollicitudinibus
patriae hactenus laboranti succurrerant, & ne quid detri-
menti salus caperet publica, operam dederant sedulam,
inopinata morte corripui & exstingui audiunt cernuntq;
Quod cum ira sit, quid nobis in hac nostra civitate, ut a-
liena missa faciamus, cogitandum faciendumq; erit, qui
totiens, pallis lugubribus resumptis, vix depositum luctus
squalorem repetimus, ijsq; exequias ire iubemur, quo,

diutissime superesse salutis publicæ maximè fuisset con-
ducibile. Amissimus sanè unò alteròq; annò, non vulga-
ris æstimij viros, sed variâ doctrinâ, solidâ prudentiâ, mul-
tiplici rerum usu fideq; & integritate maximè conspicu-
os, quibus, ceu prævalidis fulcris innixa Resp. fatales ho-
rum temporum turbas aut sustentura, aut superatura vi-
debatur: amissimus Reverend. hujus loci Superintenden-
tem, Pastores, Consules, Camerarios, Senatores, aliosq;
Viros præcellentes; amissimus deniq; hisce diebus, virum
amplissimum, spectatissimum & prudentissimum, *Dn.*
Laurentium Timmen, inclutæ hujus Reip. Camerarium
meritissimum, cui hodierno die solennia exequiarum sa-
cra sunt persolvenda. Non hæc de nihilo sunt, ac susq;
deq; habenda; sed cogitandum illud, quod propheta Esa-
ias habet, cap. 57. v. 5. *Iustus perit, & nemo reponit in*
animo: homines, inquam, benigni recipiuntur, ne-
mine advertente ante adventum mali recipi justum.
Nos, ut viri amplissimi & meritissimi ultimis honoribus
ritè operemur, pro more solito & consuetò, vitam ejus,
quam inter mortales honestissimam & laudatissimam exe-
git, brevi delineatione adumbrabimus.

Natum proinde Ipsum accepimus annò supra sesqui-
millesimum tertio & septuagesimò, *Stetini*, parentibus
honestissimis Clarissimisq;. Ac patrem quidem habuit,
Virum præstantissimum, Doctissimū ac prudentissimum,
Dn. Christianum Timmen, Quæstorem Ducalem inte-
gerrimum p. m.; matrem autem honestissimam ac pien-
tissimam foeminam, *Margaretam Cassen* / Amplissimi
Clarissimiq; *Dn. Nicolai Sasij*, p. m. Consulis quondam
hujus Reip. laudatissimi, & *Margareta Glinckens* / am-
plis-

plissimi iidem Dn. Consulis *Laurentij Glinekensis* na-
ta, filiam dilectissimam; quorum laudatissimorum parē-
tum, ut & ceterorum majorum egregias virtutes, meri-
ta in Remp. officia dignissimo cuiq; præstita, nihil atti-
net in tanta pagellæ angustia prolixius attingere. Singu-
lari Dei munere præstantissimos hosce sortitus parentes,
providā eorundem curā, simul atq; vitalem auram hau-
rire coepisset, sacro Baptismatis fonte ablutus & mystico
Christi corpori insertus fuit. Verū vide sis, quāso, ad-
versatricem fati vim in primā statim ætate! vix per bien-
nij angustias illud matris superstitis carissimæ usuram in-
dulsit. Adeo primum statim vitæ hujus gustum exacerba-
re consuevit. Quid? matre orbatu paulo post patris ex-
iam conspectu jucundissimō carere coactus fuit. Pater
namq;, seu quod terram, quæ amantissimā abstulisset con-
jugem, non ferret, seu quod soli natalitij desiderium ipsum
traheret, non ira multo post, abdicatā Quæsturā Ducali, in
Livoniam rediit, filio hoc suo bimulo fideli curæ & tute-
læ Spectatissimæ Dn. aviæ relicto, quæ summā ipsum di-
ligentiā educavit, & à teneris statim ungviculis virtutis
meliorisq; literaturæ cultui assuefaciendum curavit. Ac
prima quidem artium, Disciplinarum ac pietatis funda-
menta in scholā senatoriā, & postea in Illustri Pædagogio,
~~managis~~ noster fideliter ac feliciter jecit. Hinc in Aca-
demiā Rostochianam ablegatus, parili curā ac diligen-
tiā attextam studiorum telam pertexuit, studioq; juris in-
primis summam curam & operam impendit. Biennio &
semestri in celeberrimā hac Academiā exacto, ab avun-
culō suo, Dn. *Paulō Sasfō* p. m. domum revocatus,
cūmq; Ipse rei familiaris curam, cū ob coelibatum, tūm
ob ingravescentem senectutem, amplius sustinere non
posset, præter voluntariē domi retentus, & Oeconomiz

præfectus fuit. Annò porrò 1605, defunctò Dn. avunculo, cùm jam propriam instituisset familiam, ejusq; curam per biennium, non sine multiplici difficultatum & molestiarum affluxu sustinuisset, ut aliquantà curarum parte se subleveret, annò post millesimum sexcentesimũ septimò, honestissimæ ac lecidissimæ Virgini, *Barbara Brauerianæ*, matrimonij fidem addixit, eamq; sequenti annò, Ipsis Bacchanalijs, nuptiarum solennitate celebratà, consummavit. Cum fidissimà hac in thalamum omnis sortis ascita socià deinceps pacatissimum ac svavissimum matrimonium ad 27. usq; annum coluit, ex eoq; divini numinis beneficio, quatuor suscepit liberos, ex quibus, Deo sit laus, duo adhuc, filius & filia, supersunt.

Annò 1618. 1. Maji, consentientibus Senatus suffragijs Senator; 1622. judicij suburbani præses; 1623. 15. Octob. Provisor templi Johannitici; 1629. 22. Novemb. prætor Urbanus creatus fuit; quæ officia omnia summâ fide, industriâ & vigilantia sustinuit. Quare cùm per hosce officiorum gradus ad summa conscendisset, jamq; pateret omnibus, quàm utilem hætenus & salutarem Reip. locavisset operam, annò 1633. 5. 7bris, magnâ amplissimi Senatus consensione, Camerarij Dignitas in ipsum collata fuit, quàm quidem cum immortalis nominis sui laude, ad extremum usq; vitæ spiritum, prudentissimè sustinuit.

Vitam ipsius ceteram quod attinet, ab ineunte ætate veræ pietati studuit, verbi divini auditum & sacramentorum usum non solùm ipse maximi fecit, sed liberos etiam totamq; familiam, idem ut facerent, exhortari nunquam destitit. Proximum suum, quibuscunq; officijs potuit, juvit, promovit, & pauperes ac egenos inprimis liberalitate suâ, quoties data fuit occasio, recreavit. Quamvis verò tam strenuus veræ pietatis & honestatis cultor es-

set:

set: nequaquam tamen divinæ castigationis flagellum ef-
fugere potuit. Quem enim Dominus diligit, castigat;
Et per multas tribulationes oportet nos ingredi in regnū
cœlorum. Præter varias itaq; morborum aliarumq; ad-
versitatum invasiones, vix ante trimestre filiam natu ma-
ximam, quam seræ senectutis solatium ac fulcrum spera-
verat, insperatâ morte surreptam, ante se, turbato quasi
mortalitatis ordine, efferri ingenti vidit cordoliō. Ex
quod quidem casu tantam luctus mœrorisq; molem sibi
contraxit, ut animum deinceps illâ exonerare haut potu-
erit. Quare cū septimanâ abhinc sextâ quotidianis
hisce mœroribus aliarumq; cûrarum moribus fatigato
crassius quoddam ac nocentius catarrhi deflûvium, laxis
nervis, loqvendi facultatem pene omnem ademisset, su-
biijt deinde perpetua piæ mortis meditatio, cūmq; nihil
contra hoc malum summâ industriâ adhibita medicamē-
ta proficerent. Ipse tandem, relictis hujus mundi vani-
tatibus, beatum ex hac vitâ discessum serijs gemituum su-
spirijs petijt, eundemq; felici vitæ clausulâ obtinuit, an-
no hoc currente, 8. Octob. horâ 4. Pom. ætatis suæ sexage-
simo primo. Deus exanimi Ipsius corpori olim cum o-
mnibus Electis lætissimam resurrectionem largiatur, & a-
cerbo hoc luctu mersos Spiritus sui sancti solatio reficiat,
& dehinc ab omnibus similibus casibus intactos diutissimè
conservet.

Quod superest omnes & singulos studiosos juvenes
exhortor, ut horâ 2da Pomerid. in auditorio majori con-
veniant, & signō dato, Præceptores in funus prodituros,
decenti comitatu sequantur. Prop. publ. 14. Octobris
Anno 1634.



921116 Bibliotheca 105 000
P.P. Camaldulensium in Bielany

Depozyt w Bibliotece Jagiellońskiej



06393

S.VII.33

